



RASMI....Masidi sedang memukul gong sebagai tanda merasmikan persidangan itu.

Sabah boleh dijadikan contoh dunia dalam aspek keharmonian

NS 6.8.2014 5

OLEH DEWIANA TINGGOLONGON

KOTA KINABALU: Masyarakat Sabah yang mengamalkan sikap saling menghormati menjadi asas kepada perpaduan kaum sejak dahulu sehingga kini, walaupun mempunyai berbilang kaum dan kepercayaan.

Ketua Menteri Sabah Datuk Seri Musa Aman dalam Majlis Perasmian Persidangan penyelidikan Borneo Peringkat Antarabangsa kali ke-12 di UMS, kelmarin berkata Sabah boleh dijadikan contoh bagi dunia dalam aspek keharmonian.

“Saya percaya masyarakat Borneo banyak mengajar dunia mengenai kesamaan gender, hak kanak-kanak, keharmonian dan sikap saling menghormati antara satu sama lain,” katanya.

Masyarakat tradisi Sabah sangat memandangi kedudukan perempuan dalam keagamaan mereka dan kanak-kanak juga diberikan kasih sayang dan penghargaan sama rata tanpa menghiraukan perbezaan gender.

Beliau juga berharap agar konferensi yang berlangsung selama tiga hari itu dapat meningkatkan pema-



JACQUELINE....untuk generasi akan datang.

haman mengenai Borneo dan masalah yang dihadapi oleh dunia pada masa ini.

Menurutnya konferensi itu memberi peluang kepada penyelidik, pela-

jar, kakitangan kerajaan, pemimpin peringkat kampung dan masyarakat awam untuk memperbaharui pemahaman mengenai kepentingan penyelidikan masyarakat di Borneo.

Teks ucapan beliau dibacakan oleh Menteri Pelancongan dan Alam Sekitar, Datuk Seri Masidi Manjun.

Sementara itu, presiden Persatuan Penyelidikan Borneo Profesor Dr. Jacqueline Pugh-Kitingan berkata, keharmonian kaum di Sabah sangat penting bukan sahaja untuk menjadi teladan kepada dunia tetapi juga untuk kepentingan generasi akan datang.

Kajian mengenai hubungan etnik ini penting bagi memberikan pengetahuan kepada generasi akan datang mengenai latar belakang masyarakat di Sabah.

Beliau berkata masyarakat etnik di Borneo sejak dahulu tidak mengalami konflik yang melibatkan antara kaum.

Beliau juga menyatakan kepentingan konferensi tersebut diadakan di UMS bagi mempromosikan universiti sebagai pusat penyelidikan Borneo di samping membantu menaikkan nama universiti.